

重修廣平府志卷二十三

經政略

建置三

倉儲

廢倉附

永年縣

倚郭

義倉在城內南街同治八年置僅購基址十一年知縣王鏞十二年知縣羅慶熙倡捐經費光緒元年知縣書端建倉廩五座共二十間曰修仁行義崇禮益智彰信倉神祠三間耳房門樓各一間縣志二年知縣夏詒鈺建永豐廩五間竝添設地板十八年添建新廩四間自光緒六年奉文勸諭捐輸現實儲穀五千七百九十九石一斗三升四合實存穀價本利共京錢一萬九千八十

九千二百五十四文

前借給四鄉陳穀一千零六十一石二斗一升六合每斗折錢三百

共折收京錢三千一百八十三千六百四十八於十六
年十一月初四日發交鹽當各一千五百千案月六釐
生息計至十九年正月初四日止實得息京錢四百八
十六千餘一百八十三千零交紳董收存又前收出糶
穀價京錢一萬一千一百九十九千零四十於十五年
十二月初十日發交鹽當並殷實各鋪戶收領案月六
釐生息計至十九年正月初十日止實得息京錢二千
六百二十千零五百六十六又前餘積穀成本六百
千並紳董公捐二百千共京錢八百千於十一年正月
初一日發交鹽商三百千當商五百千案月一分生息
計至十九年正月月底實得息錢八百千
房册長啟
記略郡城故有義倉在南門內舊志所謂新倉者是也
戊辰法國人乞租地建堂前守令以倉地租給改為天
主堂郡城義倉遂廢永邑衿民因此舉之謬也聯名請
復適余來典斯邦為之請於前制軍曾文正公當飭前
令捐錢一千五百緡發交明經高君甲孝廉傳君襄購
得南大街道西民宅擬為改建倉廩之用因循數年無
貲未能修復嗣經王令鏞捐錢一千緡羅令慶熙捐錢

六百九十餘緡竝延參軍楊少尉羅督工高君甲暨六
品銜焦君清吉董其事未及興工羅君捐館書君端來
尹是邑於乙亥春庀材鳩工兩閱月而工畢凡建西倉
廩五間臨街房六間耳房一間羣房十三間竝牆垣修
補一律完固倉板亦添置齊備余樂觀厥成因記其顛
末如此然余猶有望於後之茲斯土者與紳民不在義
倉之復建而在輕財尚義務使倉有餘粟以備凶荒也
是爲記 高甲條規議洪範三八政一曰食孔門論政
首曰足食則食者民之天也賈誼疏云不幸有二三千
里之旱國胡以相卹倉卒邊境有急數十百萬之衆又
胡以餽之欲政成民治是非有圖乏於盈救匱於豐之
良謀不可此歷代社穀義倉之設所由來也我 朝康
熙間大學士張公伯行直隸巡撫李公光地都御史朱
公軾先後疏請建立義倉雍正元年湖廣總督楊公宗
仁又疏言勸捐穀本出納聽民自主不許官吏會計侵
肥竝立獎掖尚義之典今吾永夏范卿縣侯捐集義穀
責成紳董辦法頗與楊公合竊以爲經始之難固在勸
捐穀本而義穀出倉之難猶恐積久弊生不有條規恐
無以善後爰會商諸同人爰酌規例數則務使不傷官
不勞民可以垂諸久遠因請質之范卿夏侯侯曰可遂

條列如左 一遵照兩江總督范公承勳疏將捐集倉穀於每歲青黃不接米貴時以七分存倉備賑三分平糶秋後仍以糶銀買穀還倉遞年出陳易新庶不致多有糜爛 一遵照耿壽昌常平倉法穀賤時增價而糶以利農穀貴時減價而糶以利民不但穀本無傷行之久且可獲餘利以積穀 一前借給四鄉陳穀折價及前收出糶穀價餘賸積穀成本並紳董公捐之款共錢若干分發鹽當各殷實鋪戶承領宜取有領狀附卷以爲憑證 一各項息錢案歲一週由經管紳董收取俟積有一千千卽作爲成本臨時仍酌發殷實鋪戶承領庶子母相繼源源不絕 一儲存倉穀並發商穀價生息等錢均歸紳董經理不假官吏之手既係民捐尤不准私行提用至管倉之戶必擇公正人司其事免其徭役無庸另給薪水但知人非易責令城鄉富紳公舉儻查有弊竇除責罰本人賠補外並責罰保舉者如此方可免濫舉之病 一各節既遵照條規辦理而每年出糶若干石收買若干石實存穀本若干千實收利息若干千終年由紳董取造清冊報官官報司以備稽核庶前人之良法美意不致積久弊生

常平倉在縣署東北卽豫備倉舊有廩三十八間

通志作三

十康熙間知縣朱世緯建原儲穀一萬八千石全數動

用嘉慶五年圯

通志參縣志

新倉在馬家營北雍正八年知縣侯可大建嘉慶二十

年知縣袁俊改建南大街與舊倉相連共廩三十間儲

穀四千九百三十九石咸豐四年全數動用同治八年

知縣王庶曾將倉基租給法國改爲教堂遂廢

同上

永豐倉在府治東北廩二座九間久廢

舊志

臨洛關倉在北門內知縣張可久建順治十年改爲防

兵營房今廢

畿輔通志

臨洛關軍需倉在西街察院西今廢同上

四鄉義倉共十一處東大由辛莊堡牛加堡南閻村周村八汪大北汪曲陌劉營北劉固臨洛鎮各三間嘉慶

二十年奉文修復因倉座盡圯遂廢同上

曲周縣

義倉在西門內廩十五間嘉慶二十年知縣劉澧建道

光十二年知縣傅以訥增建十間咸豐十一年東匪焚

毀縣志

同治十一年知縣吳光鼎重建廩十間畿輔通志光

緒六年奉文勸捐現存穀價本利共京錢三萬一千九

百三十千八百六十六文

原發紳商穀價共京錢二萬八千四百二十四千四百五

十八案月或一分或四釐生息不等計至十九年正月止原收利息共京錢一萬五千六百六十六千一百三十六文除借放賑災藩庫提解外實存利息京錢三千五百零六千四百一十二文
房冊 傳以訥記略曲邑義倉始則建立四鄉分爲八區日久傾圮均成廢址嘉慶二十年前縣劉奉宮保那公札飭重建詳請移設城內亦立四廩計間十八道光六年余授斯邑迄今五載勸捐粟穀之數多籌計倉廩之間少七年添造四間九年添造三間共二十五間恐久朽塌必須歲修於是倡捐銀五十兩勸捐銀二百兩共得銀二百五十兩卽於九年六月發商生息當取該商圖記領狀詳明存案以爲歲修經費至於新舊穀數共捐有九千一百八十一石五斗二升二合茲又奉文修建勸捐闔邑士民無不踴躍輸將僉稱四五年來歲豐時稔倉廩添建旣多粟穀捐儲亦滿皆出宮保那公忠貞體國造福蒼赤感應天心之所至耳是爲記
吳光鼎記略曲邑舊有社倉在濫陽集安兒寨等村各一嘉慶年間前縣令移設西城改名義倉而四鄉之倉遂廢咸豐辛酉復燬於兵而城內之倉亦廢余奉檄權是邦大憲諭以建倉積穀爲首務履任後爰與秉鐸吳君文濬張君錫三少尉徐

重刊廣平府志 卷二十三 倉庫志 四
君鉞商辦博稽於眾僉曰俞哉其案畝計捐便資既集
剋日鳩工卽其舊址建倉廩十間倉廳三間門樓三間
邀邑紳張君好賢秦君棟劉君清平趙君銓主其事閱
三月而告成餘資易穀歸倉九年之蓄於是乎始然愚
意以爲建於城又必分建於鄉近鄉則稽查易周支給
亦徧厥利尤溥善乎陶文毅公之言曰民以食爲本事
惟豫則立以一鄉濟一鄉之眾不患其不均以數歲救
一歲之荒不患其不給可大可久無窮匱也愚有志而
未逮後之君子必將
推而行之是爲記

常平倉在西門內卽豫備倉舊廩十二間原儲穀一萬

八千石雍正九年增建四十五間改名常平咸豐十一

年東匪焚毀

畿輔通志參縣志

貯命倉在太僕寺東知縣喬明旃建久廢

縣志

耕餘倉在縣治前知縣王象恆建久廢

同上

社倉五所一在潞陽集一在安兒寨一在河南疇一在侯村一在香城固乾隆十二年知縣勞宗發各增建廩

三間

畿輔通志

今俱圯

採訪冊

四鄉義倉共八處大寨香城固槐橋安兒寨侯村潞陽

集第四疇河南疇

畿輔通志

今俱圯

採訪冊

肥鄉縣

義倉在城內西街廩十七間旁附二間嘉慶二十一年

知縣姜人烈建道光八年知縣查揆復加完整知縣汪

玉海續捐積穀並籌歲修經費

據碑記補

後俱廢光緒六年

奉文勸諭捐輸

採訪冊

現實儲穀六千七百五十石四斗

六合實存穀價本利共京錢一萬四百四十三千二百

八十八文

原穀六千七百五十石零以城內倉廩尚未修復暫交四鄉各倉正收存具有領狀附卷

穀價原本京錢九千一百零七千七百八十八文分發各商案月一分生息計至十九年正月止共收利息京錢

一千三百三十五千五百零八文

房册 汪玉海記

略查肥邑義倉舊址公置各鄉自嘉慶二十一年飭修

時前縣姜始移建城內之西街共倉廩十七間旁附二

間道光八年經前縣查復加完整足副積儲計舊貯穀

五千五百九十三石九斗疊奉委員清查如額靡缺余

本年莅任後倡率士民續捐穀三百三十四石共貯穀

五千九百二十七石九斗此實儲之數也其歲修經費

積有制錢六百千發高豐興典存息自九年四月為始

歲可得息錢七十二千值興修時即由倉正副計工核

銷無事假手書吏立法寢密積弊剔釐踵而行之雖俟

諸百世可也然稍存玩視姦蠹旋生猶願善繼者知創

復之艱共仰體 聖天子惠育黎元之意恪遵宮保

那公保民如赤計深且遠之謨勿弛勿侵用資蓄禦而

士民之服先疇食舊德者當屢豐既綏其力易集尙克

源源輸將赴義同聲庶鄉舉任卹之行邑登康樂之書
于孫永保不亦休乎余幸茲土沃風醕不能無厚望焉
誌其經始俾勒諸石以勿忘善政云

常平倉舊在城西南隅文殊寺西卽豫備倉廩十七間
康熙間知縣王能任捐建原儲穀一萬八千石雍正間
知縣王建中復於東街舊署建廩三十一間今俱湮沒

舊縣志兼
採訪冊

舊義倉在豫備倉東明隆慶間知縣李栻建久廢

縣志

四鄉義倉共十一處毛演堡辛安鎮明知縣李栻建後
增置舊店營東章堡劉寨營天臺山西韓集劉家莊屯

莊營崇明寨孟家莊各一

縣志今俱圯

採訪冊

雞澤縣

義倉在縣治後常平倉內本舊豫備倉地廢二十間雍

正十二年知縣景一元重修原儲穀一萬四千石輔通

志後圯廢光緒六年知縣褊文懷奉文勸捐義穀重建

倉廩九間縣志儲穀二千二百九十四石八斗九升縣志

作二千二百八十七石光緒十一年知縣吳壽坤因民間青黃不

接全數借貸迄今未還房冊

豫備倉在縣治後廩三十八間舊志久廢採訪冊

舊義倉二一在浮圖店一在小寨堡舊志明萬厯間知縣

曹孔榮重修據碑記補久廢

國朝乾隆十四年知縣吳士恆重建廩各三間今又廢

縣志

稿明賈熙載記略余邑西浮圖店南小寨堡俱號巨鎮舊有社倉貯穀第以取支匪人貧者未必領領者未必貧至秋又有以實出以虛入者行日久姦日滋遂使社倉寄空名於民命無裨也誰司民牧乃不咎罪匪人第曰社倉之不足為民天也如此以故牆垣圯壞廩舍空虛民不堪命有識者傷之我邑侯曹公浙之偉人也甫下車卽痛心民瘼聞二倉廢弛迺新牆垣葺廩舍查二倉侵地竝隙地幾何令佃戶計畝納穀鄉義士聞風助穀恐後仍簡舉良民以掌出納春出陳秋償以新酌歲豐歉以為取數多寡儻豐年則息其二小祲則收其本太祲則收本穀之半遇年荒則盡蠲本穀而不償懿哉法良而意美矣

吳官營義倉乾隆十七年知縣王光燮建廩三間今廢

同上

廣平縣

山西關水書刻外錄次問賦烈王燕堂事一

義倉二一在西關外書院後道光間知縣王燕堂建一

在城內關帝廟西光緒初年知縣何庚生建六年奉文

勸捐積穀

採訪冊

現實儲穀三千八百四十九石九斗二

合

西關舊倉儲穀一千九百二十石城內新倉儲穀一千九百二十九石九斗二合

房冊

常平倉在縣署儀門內迤西即豫備倉廩九間原儲穀

一萬石雍正八年添建廩二十三間

舊志參縣志

今廢

採訪冊

舊義倉在儒學西明萬厯間知縣王整重修

縣志

久廢

採訪冊

冊

四鄉義倉共四處平固村孟固村寺郎固雙廟

畿輔通志

今俱廢

採訪冊

邯鄲縣

義倉在大街廟道口常平倉內舊廩三十四間

豐豫字各五間

咸泰恆益頤萃升節字各三間

原儲穀一萬四千石雍正九年知縣鄭

方坤建

畿輔通志參縣志

後穀全數動用廩多傾圯

採訪冊

光緒

六年奉文勸捐積穀知縣何雲誥卽舊址重修倉廩九

間現實儲穀五千三百四十八石八斗四升一合

升字廩儲

一千八百三十四石七斗八升八合節字廩儲一千七百三十七石八斗四

升房冊

豫備倉在縣署儀門內廩六間雍正間知縣鄭方坤重

修今廢

縣志稿

新倉在後察院廩九間雍正間知縣鄭方坤建今廢

同上

備荒倉在城隍廟內久廢

畿輔通志

舊義倉在縣治西南大街廩九間倉神祠三間乾隆間

制軍方公奏建今圯

縣志稿

四鄉義倉共七處軍師堡河沙堡張莊橋白塚牛叫河

叢塚呂固今俱僅存基址

同上

成安縣

義倉在縣治西舊豫備倉東廩三十六間道光七年知

縣趙庭椿勸諭衿民捐建

續縣志

年久傾圯光緒六年知

縣蘇殿華奉文勸捐積穀卽舊址重修倉廩三十間

縣志

現實儲穀一百二十二石四升八合實存穀價本利共

京錢二萬五千一百九十五千五百九十文一糶收義

千三百五十二千三百八十八於光緒十五年九月發

交義生常案月一分生息計至十九年正月月底止共得

息錢五百八十一千四百九十六捐收積穀折價京錢

八百千發交當商生息由紳董收取作為義倉歲修並

倉夫工食等費一收出借義穀三宗折價共京錢一

萬九千零六十千零二百七十四文發交當商案月六

釐生息計至光緒十九年正月月底止共得息京錢三千

四百零一千四百三十二文房冊蘇殿華記略城

西北隅設有常義二倉自前邑宰趙公庭椿修葺後迄

今五十餘年矣兩倉穀石無存倉廩亦俱塌陷余於光

緒二年冬杪選授邑篆蒞任日察看舊基規模頗為宏

廠擬即興修奈工程較鉅事遂寢三年夏天氣亢旱大

田枯萎民饑甚稟奉各憲籌撥庫項並領回前邑宰繳

存常平倉穀價銀兩及勸捐糶撫錢項囑各紳領作糶

本分往鄰省郡縣糶運穀石同奉撥漕米均由各紳案

戶散食鄉民轉危為安兩月來余偕各紳朝夕籌思心